

Balua gba Polo pi omabhuka na gudhu na Efeso Eli na kalanu

Balua inde li Polo aye e pi omabhuka na Efeso-o, ngatsia ngaiza kalanu engu inde pindji mabhundja gba Ebhe, ngubula napo bhula ndu oehe hana inde ani abho e, ohe inde na abhulá ne bhe na pila doto bhú dabili bini ne Kilisito maka ndjindji-o (1:10). Ani nga'i okpala gba Ebhe me u du akobho li lele mabhundja na ngbeengbe bhomu inde pi ndu okpala hana bhú nakpetse lio ne Kilisito.

Bhú balua inde ane okulu oehe bhelé inde ngasuno me, okpala gba Ebhe ngadu bini bhú makpetse bhú dabili bini ne Kilisito: Piga gba Ebhe maka kute kpala inde li Kilisito nde ne 'ndji e. A di maka eti inde li Kilisito nde ne nepanda na e-o. A la matá di maka ele inde li Kilisito nde maka ko e-o. Bhú nagama ongú gba Polo pindji mabhundja na bádha bhú 'bu gba Ebhe inde bhú Kilisito-o, a ne oeli bhende ngatu kpala, a la di ne oeli inde nga'e bua kpala abhulá má gba! Ndu 'ngú bhomu-o hana ngau lie li zi 'kpí na mukunda gba Kilisito, bhú makiso, bhú mambu, bhú bádha bhú 'bu, a la di-e bhú navulu lio.

Ongbengbe ongú inde bhú bhuku inde-e ngae inde:

Eli na kalanu 1:1-2

Kilisito a la di-e Dadjua gba Ebhe 1:3 – 3:21

Mukobho na mbia bhú Kilisito 4:1 – 6:20
Eli na soso 6:21-24

Polo yi omabhuka na Efeso mayi

¹ Ngama Polo, ma ne bhálu titima gba YesuKilisito , anga Ebhe akunda mo-o. Ma aye balua inde-e pí okpála na bububu gba Ebhe inde bhú gudhu na Efeso, inde abhuka la di Yesu Kilisito-o. ² A ayo me Ebhe 'Dyi ní, ne Ngámá gba ní Yesu Kilisito, suno bádha bhú 'bu gba o-o pí yi, amba u ha di guo 'ngú pí yi.

Ebhe atuko bisagu pí ní bhú makpotsé gba ní ne Yesu Kilisito

³ Ní dhègè Ebhe, 'Dyi Ngámá gba ní Yesu Kilisito-o! Ani atuko bisagu pí ní bhú nakpotsé liní ne Yesu Kilisito, anga ani aha ndu bisagu hana na bhobua na abhúlá-a pí ní. ⁴ Kala me Ebhe bho doto-o, ani abhú nani ní bhútode ngúbula me ní du ne okpála gba ni li pápá gba Kilisito, amba ní du ne okpála inde bubu, u tì da nau siti 'ngú napapa li o de. Padhá de, anga ani akunda ní. ⁵ Kaka, nayie nani bhútode naali-e, ani amene me ní kolo ongisi gba ni li pápá gba Yesu Kilisito. A bhomu-o engú inde ani amene e pí ní bhú bádha bhú 'bu gba e-o. ⁶ Ní toko sangu gba Ebhe ngúbula bádha 'ngú inde ani amene e pí ní ne bádha bua gba e, anga ani akunda me amene lie mo-o bhú Ndili gba e na mukunda-o.

⁷ Padhá de, anga bhú nakpotsé liní ne Yesu-o, Ebhe agbegbe ní bhú siti 'ngú ka ngute ani. Ani atsia ambu li siti 'ngú gba ní-o. Ebhe asuno pi ní bhomu-o tia inde bhú bádha bhú 'bu gba e, ⁸ inde

ani aha e me a nde abedhe bedhe-o. Ani atsia aha di ndu imbilangu hana pi ni.⁹ Ani asuno engú gba e inde awo lie mawo-o pi ni. Engú inde bhú bádha bhú 'bu gba e inde ani apa nani bhútode me ni améne e bhú Kilisito-o.¹⁰ Engú inde ani apa me ni améne e li nedhingga ani a'o e-e, a ko nakpetse ndu 'ngú hana inde abhúlá, ne bhende píla doto-o sa koli Ngámá bini, Kilisito.

¹¹ Bhú nakpotse liní ne Kilisito-o, ni asia ehe inde li Ebhe apa nani me ni ahá e pi ni-o. Padhá de, anga Ebhe alo nani ni kalanu didili naali maka ani akunda lie-o. La di-e, ani ngamene ndu 'ngú hana maka ani akunda nani lie, di ne maka ani apa lie-o.¹² Kaka-a, a ayo me ni toko sangu gba Ebhe, nganí okpála inde a'o 'to o nani bhútode bhú Kilisito-o.

¹³ Ngayi di-e, li yi adje ngali na kükülu 'ngú-o lie, Bádha Ngali inde aha mukobho pi yi-e, yi atsia abhuka Kilisito. Abhomu-o, Ebhe atsia atu kasé inde ngasuno me yi ne ongisi gba ni-e li kute yi, li ani aha Bu Bacobua inde ani apa nani me ni ahá e pi yi-e lie-o.¹⁴ Bu Bacobua ango-o ne ehe na kalanu bhú ka obabadha 'ngú inde li Ebhe aleke e pi omaha e-o. Ani ngapa pi ni me ni ásia ongú ango-o masia li nedhingga li Ebhe agbégbe ni lie bhú siti 'ngú gba ni hana-o. Kaka-a, ayo me ni toko sangu gba Ebhe.

Polo ayo Ebhe ngú omabhuka

¹⁵ Kaka-a, mbia inde-e, li ma adje lie me yi abhuka Ngámá Yesu-o, di ne me yi ne mukunda pi ndu omabhuka hana-a,¹⁶ ma'o nagie hení pi Ebhe li 'ngú gba yi-e de. Ma ngabhundja yi

bhú omayo gba ma-o. ¹⁷ Ma ngayo ka Ebhe gba Ngámá gba ní Yesu Kilisito, 'Dyi ní na asasaua me ani ha bua na imbílangú pí yi. Bua ango-o asúno Ebhe pí yi mbámbá, ani tsia méne di me yi mbila ani na paká paká. ¹⁸ Ma ngayo me ani bhulu imbílangú gba yi ngú nambila obabadha 'ngú inde ani apa me ní ahá e pí okpála bhende ani a'i o-o. Ma la di ngakunda me yi mbila tia di ne sangu inde bhú obabadha 'ngú inde ani aleke e pí okpála gba e-o.

¹⁹ Kaka-a, yi ambíla angu na kuo kuo inde ani nde ne e pi ní omabhuka-o. Angu ango-o, a ko bhende li Ebhe asuno e na paká paká, ²⁰ nedhínga li ani azuku Yesu Kilisito lie, ani atsia a'o ani li pá 'kpa e na kokpa abhúlá-o. ²¹ Oo, ani a'o Kilisito pí 'ndji ndu obua hana, pí 'ndji ndu obua hana na angu, pí 'ndji ndu obua hana na kpekpeke ne pí 'ndji ndu o'ili hana inde u ti da na'i e bha bini naki de, engú bini, inde u ti da di na'i e bhú oekpí inde ngago ko. ²² Ebhe a'o ndu 'he hana sa 'dhú Kilisito. Ani atsia a'o ani Ngámá pí 'ndji ndu 'he hana di ne pí 'ndji Dadjua gba e-o. ²³ Piga gba Ebhe-e, a ko kute Yesu Kilisito. Angu gba ani-e ngadu bhú Dadjua ango-o, ngaani-e, ani ne ndu bíli hana.

2

Ní azuku bhú dabili bini ne Yesu Kilisito

¹ Nani kalanu-o, yi amu li bua yi kabula púlu 'ngú di ne kabula siti 'ngú gba yi-o. ² Yi adu nakobho bhú siti 'ngú nakpata lele mukobho na doto inde. Yi adu namanga ngámá na angu gba

osisiti bua inde atu 'kpí-o. Ngámá ango-o, a ko bua inde ngamene kulu bhú okpála inde ngagú Ebhe-o. ³ Ní adu bhadí nani ndu ní hana maka uo. Padhá de, anga ní adu nani nakobho bhú gúmu na sisiti gba ní-o. Ní adu namene gúmu na kute ní, di ne gúmu na bua ní. Ka siti 'ngú gba ní-e, a ayo nani me ke 'ngú gba Ebhe-e go pi ní maka okpála koko.

⁴ Engú bini, ndjinga gba Ebhe-e ngbéngbé, mukunda gba ani pi ní-e ngbéngbé naali. ⁵ Kaka-a, ani aha matá mukobho pi ní li pápá gba Kilisito , nganí okpála inde amu nani ka siti 'ngú gba ní-o. A na paká me ní akobho ka bádha bhú 'bu gba Ebhe . ⁶ Bhú makpötse gba ní ne Yesu Kilisito-o, Ebhe azuku ní bhú kuo bhú dabili bini ne ani, ngubula me ní u bhú dabili bini ne ani abhúlá. ⁷ Bhú nasuno bádha bhú 'bu inde ani asuno e pi ní bhú Yesu Kilisito-o, Ebhe akunda nasuno bhomu-o ngubula ndu nedhinga hana inde ngago-o bádha bhú 'bu gba e na ngbéngbé ko. ⁸ Padhá de, anga yi akobho ka bádha bhú 'bu gba Ebhe kabula nabhuka . Mukobho ango-o yie ka yi de, a ko ehe inde li Ebhe aha e pi yi padhá. ⁹ Mukobho ango-o yie ka okulu gba yi-e de. Kaka-a, a ayo de me kpála bini pa 'li e téte-e de. ¹⁰ A na paká me Ebhe abho ní ngae. Ani abho ní bhú nakpötse liní ne Yesu Kilisito ngubula me ní mene ongú na babadha. Obabadha 'ngú ango-o, Ebhe aleke nani pi ní bhutode me ní mene.

*Yesu akpötse omaYuda ne obhende ne
omaYuda ade-e bhú nakpi gba e-o*

11 Yi bhundja nga maka yi adu nani lie kalanu-o. Ngayi okpála inde li omaYuda adu na'i o me okpála inde i li gandja* de, anga bhú nazu-o, yi ne omaYuda ade. U atsia adu na'i lio me o ne okpála inde ali gandja. A ko la ehe inde li okpála amene e li kute ne 'kpa o. **12** A na paká me bhú nedhinga bhomu-o, yi adu nani de Kilisito tsutsu. Yi adu ne ogandji okpála , yi du nani bhú piga gba omafsalaele de. Gandja inde li engú li Ebhe apa nani lie me ni améne e pi okpála gba ni-e alu pi e, du pi yi de. Yi adu nani nadu píla doto me yi nde 'o 'to yi 'to Ebhe de. Ebhe du la di bhú yi de. **13** La mbia inde-e, bhú nakpëtsø liyi ne Yesu Kilisito-o, ngayi okpála inde adu nani de ani tsutsu-o, yi adyudyo liyi de ani masikpe kabula ngute ani-o.

14 Padhá de, anga Kilisito ngae makpe aha guo 'ngú pi ni ngae bhú namene me omaYuda, ne okpála bhende ne omaYuda ade-e kolo koli okpála bini. Bhú nakpi ka ani-e, ani agugumú kozie inde adu nani nagbo bhusu uo-o. Kozie ango-o adu nani nayala lio sunda o. **15** Ani abulú lili gba Moidje ne odapo ango-o hana. Ani amene me omaYuda, di ne okpála bhende ne omaYuda ade-e kolo koli piga bini na mbia bhú nakpëtsø lio ne ani. Abhomu-o, ani atsia agie guo 'ngú. **16** Bhú nakpi ka ani li kulusi-e, Kilisito akpëtsø uo bhú koli kute bini. Ani atsia agie makpolia sunda uo ne Ebhe. Li pápá na kulusi-e, ani a'e yala sunda uo. **17** Kilisito ago ngubula nakpokpo

* **2:11** 2:11 Gandja: A adu nani engú inde asuno me a inde-e kpála ka Ebhe.

Bádha Ngali na guo 'ngú pi yi okpála inde adu nani tsutsu de Ebhe, di pi okpála inde adu nani masikpe-o. ¹⁸ Li pápá gba Kilisito-o, ndu ní hana, omaYuda ne okpála bhende ne omaYuda ade-e, ní ti da nadyudyo liní de Ebhe, 'Dyi ní, ka koli Bu Bhopua bini.

¹⁹ Kaka-a, ngayi okpála inde ne omaYuda ade-e, yi matá ne ogandji okpála ade, yi maka ogomago ade. Engú bini, yi mbia inde-e ne ongisi na kütí, yi bhú ká okpála gba Ebhe. Yi ne okpála na piga gba Ebhe. ²⁰ Ngayi-e, yi akolo ndula na eti inde li 'dhú e nde ne obhúlú titima gba Yesu , di ne opolofeta . Nepanda na eti ango-o, a ko Yesu Kilisito ngae makpe. ²¹ Ani ngamene ngae me eti-e lu kpekpeke. Ani la di ngamene me eti ango-o kolo 'ngbé 'ti Ebhe na bubu, inde u a'o e pi Ngámá. ²² Bhú nakpötse lio ne Kilisito-o, ngayi di-e, yi maka ndula na eti inde u ayiki e-o. Yi atsia akolo ne ndu okpála koko koli eti bini inde li Ebhe ngadu bhú e li pápá gba Bu Bhopua.

3

Polo akpokpo 'ngú pindji engú inde awo lie mawo gba Kilisito

¹ Kaka-a, ngama Polo-o, ma ne kpála na tìkpü gba Yesu Kilisito kabula yi okpála inde ne omaYuda ade-o. ² A na paká me yi adje engú pindji kulu inde li Ebhe aha e bhú bádha bhú 'bu gba e me, ma mene e pi yi ko. ³ Ebhe ambamba ta 'ngú gba e inde awo lie mawo muma, ngubula me ma mbila tata-a ndjindji. Ma aye mbo 'ngú pi

yi pépé bedi. ⁴ Nedhingga yi ngatanga balua inde e lie, yi ti da nambila imbilangü inde ma nde ne e li engü inde awo lie mawo gba Kilisito-o. ⁵ Nani kalanü-o, Ebhe mbamba nga nani ta engü ango-o pi okpála na kalanü-o de. Engü bini, ani asuno mbia inde-e li pápá gba Bua gba e pi obhulü titima na bububu gba Yesu, di ne pi opolofeta . ⁶ Okpála inde ne omaYuda ade-e ngasia koli ehe bini ne omaYuda. Uo bhü koli kute bini. U asia la di ehe inde li Ebhe apa me ni améne e bhü Yesu Kilisito li pápá na Bädha Ngali-e masia.

⁷ Ma akolo kpála na kulu na kpokpo Bädha Ngali ka bädha bhü 'bu gba Ebhe , inde ani aha e muma bhü angu gba e-o. ⁸ Ngama-a, ma ne mboye kpála bhü ká ndü okpála gba Ebhe-e hana. Engü bini, Ebhe atsia aha bädha bhü 'bu gba e muma ngübula me ma kpokpo Bädha Ngali pi okpála bhende ne omaYuda ade-e pindji tia na ngbéngbé gba Kilisito, inde ane mabhundja gba okpála mane-o.

⁹ Ma ti da nasuno pi ndü okpála hana mbámbá maka li Ebhe ngamene engü gba e inde awo lie mawo lie-o. Ngaani-e, a ko kpála inde abho ndü 'he hana. Nayie nani didili naali-e, engü ango-o adü me a nde awo lie mawo, ¹⁰ ngübula me mbia inde-e, kabula engü li Ebhe amene e bhü Dadjua gba e-e, ndü obua hana, di ne ndü obua hana na angu inde abhüllá-a ti da nambila imbilangü gba Ebhe inde u ti da nambila alo na e de. ¹¹ Ndü 'ngü bhomü-o amene lie li lele mabhundja li Ebhe adü nani ne e nayie li lilita, inde ani amene e bhü Yesu Kilisito, Ngámá gba ní-o. ¹² Ní akpøtsø

liní ne Kilisito, ní atsia abhuka la di ani. Kaka-a, li ndu kpadji hana ní adú ne tsulu de ngú nadyudyo liní de Ebhe. ¹³ Kaka-a, ma ngayo ka yi me, bua yi asia ndala ka likabhu inde ma ngazú e ngubula yi-e de. Likabhu ango-o mangbo ngaha pi yi sangu .

A ayo me omabhuka mbila lele mukunda gba Kilisito inde ane ndu 'ngú hana-o

¹⁴ Kaka-a, ma ngatutu lipuku ma kuto kala 'Dyi ní Ebhe, ¹⁵ li ndu piga hana inde abhulá ne pila doto adha bhú e-o. ¹⁶ Ma ngayo ka ani me ani ha angu pi yi li pápá na Bhobua gba e, anga sangu gba ani-e ne 'ngbé tia na ngbéngbé. Abhomu-o, yi tsia sía angu li bua yi. ¹⁷ A ayo me Kilisito si kuti e li bhobua yi li pápá bhe nabhuka . Ma ngayo me sie yi li bhú mukunda mali, la di me a lu bhú mukunda ango-o malu. ¹⁸ Abhomu-o, yi kólo ne angu ngú nambila bhú dabili bini ne ndu okpála gba Ebhe-e hana me lele mukunda gba Kilisito pi ní-e, ane mane! ¹⁹ Yi mbila lele mukunda gba Kilisito inde ane ndu 'ngú hana u ti da nambila e-o. Yi abédhe ne ndu 'ngú hana inde bhú Ebhe-e bedhe.

²⁰ Ebhe ngamene kulu bhú ní ne angu gba e-o. Li ní yo 'he ka ani-e, ani ti da nahaha pi ní bheldé ane mane, anga angu gba ani-e ane ndu 'ngú hana inde ní ti da nabhundja e. ²¹ A ayo me sangu du ne ani bhú Piga gba Ebhe di ne bhú Yesu Kilisito, ndu nedhingga hana, dudu ma ne dudu ma. A adu moko.

4

Yi gili ndu 'kpí hana nadu bhú makpøtsø ne Kilisito

¹ Ngama kpála inde bhú tikpø anga ma ngamene kulu pí Ngámá-a, engú inde ma ngayo e ka yi kpékpéke-e ngae inde: ngayi okpála inde li Ebhe a'i o-o, kaka-a, yi dhukú maka li okpála inde li Ebhe a'i o-o adhúdhukú lie-o. ² Yi du ndu 'kpí hana nake liyi ne kuto, yi du ne bhukú bua, di ne 'ndjá bua. Yi kibila liyi bhú ongú inde súnda yi-e ne bua na mukunda. ³ Yi gili ne angu hana nadu bhú makpøtsø inde li Bu Bhabua ngaha e bhú guo 'ngú inde ngagbite yi bhú dabili bini ko. ⁴ A ne koli kute bini, di ne koli Bu Bhabua bini, Ebhe a'i la bhadi ní me ní 'o 'to ní to koli 'he bini. ⁵ Koli Ngámá bha bini, ne koli nabhuka bini, di ne koli batismo bini. ⁶ Koli Ebhe bha bini, inde 'Dyi ndu okpála hana. Ani ngaú pí 'ndji ndu okpála hana. Ani ngamene kulu bhú ndu okpála hana, ani la di ngadu bhú ndu omabhuka hana.

⁷ La-a, Kilisito aha pí kpála ne kpála angu gba Bhabua ngú namene ehe. Ani atsia aha di bhe gba kpála ne kpála pí e ne bádha bua. ⁸ U aye me:

«Li ani a'u lie abhúlá-a,
ani abha okpála na tikpø ne angu,
ani atsia aha angu gba Bhabua ngú namene
ehe pí okpála.[†]»

⁹ La-a, napa me «ani a'u abhúlá-a», a akunda napa pí? Bhabhomu-o akunda napa me, kala na'u abhúlá-a, Kilisito aké ngaíza a sato. ¹⁰ Kpála

† 4:8 4:8 Tsia bhú Ets. 68:19.

inde akə a satə-o, a ko di kpála inde a'ụ abhúlá tsutsu ngübula me ani dụ bhú ndụ 'he hana. ¹¹ A ko ani inde aha kulu pí kpála ne kpála-o. Ani aha pí okoko nadụ obhulụ titima gba Yesu , okoko ne opolofeta . Okoko ne omusuno na Bádha Ngali , okoko ne odimande, i dụ di-e omusuno. ¹² Yesu amene me okpála gba Ebhe-e kolo bedhe ngú namene kulu gba ani, ne okulu inde li Kilisito aha e pí uo bhomu-o, ngübula me kute ni inde Piga gba Ebhe-e, kolo kpekpeke. ¹³ Ní mene mo-o, ndụ ní hana ní kólo bhú makpətsə bini bhú nabhuka ne nambila Ndili gba Ebhe-e ndjindji. Ní bhele bhú nabhuka ango-o, ní tsia kólo libhomu maka Kilisito.

¹⁴ Abhomu-o, ní dụ matá maka ongisi de. Ní dụ la di maka zabu inde li anvi ngadyudyo e ne ndụ pasu hana, di ne anvi na nasuno gba omusuno inde ngapite okpála-a de. ¹⁵ Engú bini, i dụ me ní nde ngapa kükülu 'ngú bhú mukunda-a, ní bhéle bhú ndụ 'ngú hana li pápá gba Kilisito inde ne 'ndji Piga gba Ebhe-o. ¹⁶ Ani ngamene ngae me oyá ní dụ bini, ani atsia akpətsə di lie bhú dabili bini ne ní. Kute ní inde Piga gba Ebhe-e bhadi moko. I dụ me nganí inde ne okpála na Piga gba Ebhe-e ní nde ngamene kulu gba ní bhú dabili bini ne mukunda-a, li Dadjua ango-o bhéle.

Yi koto bhú mukobho na kalanu, amba yi kolo okpála na mbia

¹⁷ Engú inde ma ngayo e ka yi ne kekele-e ne 'li Ngámá-a ngae inde: yi adú nadhuku matá maka omupagano de. Padhá de, anga mabhundja gba uo-o padhá. ¹⁸ Imbilangu gba uo-o bhú biti.

Mukobho inde ngayie ka Ebhe-e pi uo ade. Padhá de, anga u mbila 'ngú bini de. U agbite la di bua o má ki! ¹⁹ U ngadje nümü li 'ngú bini ade. U ngamene ndu 'ngú na sisiti hana inde u akunda namene e. U la di ngakunda olisi ne obhosí ngangá.

²⁰ Pi yi-e, a bhomü-o engú inde u apa e pi yi pindji Kilisito-o de. ²¹ A na paká me u apa ndu 'ngú gba Yesu-o pi yi hana. Maka omakilisito-o, u asuno pi yi kükülu 'ngú inde ní asia e ka ani-o. ²² Kaka-a, a ayo me yi tse mukobho gba yi na kalanü-o. Lele nani maka yi adu lie kalanü-o, yi koto bhúbhú makoto, anga ogumü ango-o ngapite okpála. A la di ngato okpála bhú kuo. ²³ A ayo na'o me Bu Bhopua dji yi libhomu, amba yi kolo okpála na mbia li bua yi, di ne bhú mabhundja gba yi ko. ²⁴ Yi kolo okpála na mbia, inde li Ebhe abho o maka e makpe, inde la di ngau lie bhú mukobho na ngbingibili, inde di bubu li kükülu 'ngú ngagbe e-o.

²⁵ Kaka-a, yi 'o napa eu ma'o. A ayo me kpála ne kpála pa pi kili e kükülu 'ngú. Padhá de, anga ní ndu ní hana ne yá koli kute bini. ²⁶ I du me bua yi nde ake-e, yi alí bhú siti 'ngú de. A ayo me bua yi ke kala me ela ti.† ²⁷ Yi aká kpadjí pi Djabulu de me aní ko pi yi-e de. ²⁸ A ayo me kpála inde adu nako nazi 'he-e, 'o nazi 'he ma'o. A ayo mangbo me aní mene kulu ne 'kpa e makpe, amba aní sia ezu pi e li bádha kpadjí. Aní du la di ne ehe ngú nateteke okpála inde li ehe aneke ka o-o. ²⁹ Eli na sisiti bini akóto bhú 'bhé

† 4:26 4:26 Tsia bhú Ets. 4:5.

yi de. Yi pa bha bini eli na babadha inde i ti da nateteke okpála koko nakpata ḡum̄ gba uo-o, a la di ngamene bádha 'ngú pi obhende ngadjedje-o.

³⁰ Yi ahá likabhu pi Bu Bhabua inde li Ebhe aha e pi yi-e de. Padhá de, anga Bu Bhabua inde li Ebhe atu e li yi maka kasé-e ngapa pi yi ngae me bhá oekpí inde ngago-o, Ebhe agbégbe yi bhá siti 'ngú gba yi-e magbegbe. ³¹ Yi 'e ndu 'ngú hana na sisiti li bua yi ma'e. Yi 'e ndu bua bhá yi ma'e. Yi 'e ke 'ngú bhá yi ma'e. Yi 'o nasusula ma'o. Yi 'o la di nasobho sobho ma'o. Yi 'o namene ndu sisiti 'ngú hana má kpékébhe! ³² Yi du sonda yi ndjindji, amba yi bedhe ne mukunda bedhe. Yi mbu li sisiti 'ngú inde sonda yi maka li Ebhe ambu la di li yi lie kabula Kilisito-o.

5

Yi d̄huk̄u maka okpála inde bhá zi 'kpí

¹ I nde lie me yi nde ne ongisi li Ebhe-e akunda o-o, yi mene ne kpéke me yi du maka ani. ² A ayo me yi du ne mukunda maka Kilisito . Padhá de, anga ani akunda ní. Ani atsia andala 'kpa li mukobho gba e pi ní maka makiso, maka enu inde u atsutsulu e pi Ebhe, inde li se e ngapu ndjindji.

³ Yi ne okpála na bububu gba Ebhe. Kaka-a, a ayo de me u dje ongú nakunda olisi, di ne obhosí ngangá, di ne namene ndu ongú na sisiti hana, i du di-e ḡum̄ 'he naali bhá ka yi-e de. ⁴ A ayo de me siti 'li, ne engú na ngingi, ne zibotu koto bhá 'bhé yi-e de. Engú bini, yi gie mangbo hení

pì Ebhe. ⁵ Yi mbila ndjindji me, kpála bini na zabhe, kpála na zibotu, i du di-e kpála na endju (padhá de, anga endju-o, a ko nayo ebhe na eu), ani lí bhú Naú gba Kilisito di ne Ebhe-e belegu de bini.

⁶ Kpála bini apíte yi ne 'li na padhá padhá de. Padhá de, anga ngua osisiti 'ngú bhomu-o ngagbele ke 'ngú gba Ebhe-e pì okpála inde ngayala namene líli gba ani-e ngae. ⁷ Kaka-a, yi akpétsø liyi ne ngua okpála bhomu-o de. ⁸ Yi adú nani kalanu-o bhú biti. La mbia inde-e, li yi akpétsø liyi lie ne Ngámá-a, yi akolo bhú zi 'kpí. Kaka-a, yi dhukú maka okpála inde bhú zi 'kpí. ⁹ Padhá de, anga zi 'kpí ngazu ndú 'ngú na babadha hana. A la di ngazu ngibili 'ngú ne kúkulu 'ngú. ¹⁰ Yi gili ne kpéke ngú nalo engú inde li Ngámá akunda e-o. ¹¹ Yi akpétsø liyi ne okpála bhende ngamene ongú na padhá padhá na sukpe-e de. Engú bini, yi gbe engú ango-o mbámbá bhú djila okpála. ¹² Padhá de, anga a ko námu naali ngú nagama 'ngú li 'ngú inde li okpála ango-o ngamene e bhú pepe. ¹³ La-a, engú inde u agbe e pì okpála-a, akolo mbámbá. ¹⁴ La di-e, ndú 'ngú hana inde u agbe e li zi 'kpí-e, a akolo bhadi li zi 'kpí. Kaka-a, u apa me:

«Ngamu kpála inde ngala-a, zuzukú,
yie bhú ká okpála inde amu-o mayie,
amba Kilisito suno zi 'kpí gba e pì múa.»

¹⁵ Kaka-a, 'ee, yi lila liyi ndjindji bhú nakobho ka yi-o. Yi adú nakobho maka ongingi de. Engú bini, yi du nakobho maka okpála na imbilangu. ¹⁶ Yi djele onedhinga inde yi nde bhú e ndjindji.

Padhá de, anga onedhinga inde ní nde bhú e sisiti. ¹⁷ Kaka-a, yi adú maka ongingi de. Engú bini, yi mene ne kpéke me yi mbila engú inde li Ngámá akúnda me yi mene e-o.

¹⁸ Yi alángba ne pandí de. Padhá de, anga pandí ngatima kpála bhú 'ngú na pupulu. Engú bini, yi bedhe mangbo ne Bu Bacobua. ¹⁹ Yi to masi bhú yi ne nali ndú odjua oetsi hana inde li Bu Bacobua ngaha e-o. Yi toko Ngámá ne bua yi hana. ²⁰ Yi gie hení pi 'Dyi ní Ebhe ndú nedhinga hana, di ne ngú ndú 'ngú hana ne 'li Ngámá gba ní Yesu Kilisito.

A ayo me olø ne bhoko manga lio súnda o

²¹ Yi manga liyi súnda yi kabula mazíma yi nde ne e pi Kilisito ko.

²² Ngayi olisi-e, yi manga obhosí gba yi-e maka yi ngamanga Ngámá lie-o. ²³ Padhá de, anga bhoko ne ngámá pi 'ndji wala e, maka li Kilisito nde lie ne Ngámá pi 'ndji Piga gba Ebhe-o. Kilisito ne Mukobho na Piga gba Ebhe. Piga ango-o maka kute ani. ²⁴ A ayo me olisi manga obhosí gba o-o bhú ndú 'ngú hana, maka Piga gba Ebhe-e ngamanga Kilisito lie-o.

²⁵ Ngayi obhosí-e, yi dú ne mukunda pi olisi gba yi, maka li Kilisito akúnda Piga gba Ebhe-e lie-o. Aní asuno mukunda ango-o li nandala kpa li mukobho gba e ngubula Dadjua ango-o. ²⁶ Aní akúnda nani namene me Piga gba Ebhe-e kolo bubu, aní atsia aválu ne engu* di ne 'li e. ²⁷ Padhá de, anga aní akúnda nani me Piga gba

* **5:26** 5:26 Engu: A ko batisimo. Tsia bhú Tit. 3:5.

Ebhe-e koto kala ni ne sangu gba e hana. A adú ne doto bhú e de, ne engú na sisiti napapa téte de, di ne zíbotú de. Dadjua ango-o du la di bubu, inde u ti da nau siti 'ngú napapa li e de.

²⁸ Kaka-a, a ayo me obhosí du ne mukunda pi olisi gba o maka u akunda kute o lie makpe-o. Padhá de, anga kpála inde ne mukunda pi wala e-e, ani ngakunda bhomu-o li e makpe. ²⁹ Padhá de, anga kpála bini inde ayala kute e makpe ade. Engú bini, kpála ne kpála ngaku kute e, di ne nalilila ndjindji, maka Kilisito ngamemene lie bhú Piga gba Ebhe-e ko. ³⁰ Padhá de, anga ni ne tika kute ani. ³¹ A maka u aye lie bhú bhuku gba Ebhe-e me: «Kaka-a, bhoko a'ó ká 'dyi e ne 'hi e ngubula nakpötse lie ne wala e. U tsia kólo ndu o bhisi hana koli kute bini.†» ³² 'Ngbé 'ngú na kükülu awo lie bhú engú inde u apa e bhomu-o. Ngama-a, ma apa me u ngapa 'ngú bhomu-o li 'ngú gba Kilisito di ne Piga gba Ebhe. ³³ Engú bini, u la di ngapa 'ngú ango-o pi yi: a ayo me bhoko ne bhoko du ne mukunda pi ølø gba e maka ani akunda li e lie makpe-o. A ayo la di me ølø ne ølø manga 'ko e.

6

Lele dasündu gba ongisi ne okpála azu o-o

¹ Ngayi ongisi, engú inde a ayo me yi mene e maka li Ngámá akunda lie ngae inde: yi manga okpála azu yi-e mamanga, anga bhabhomu-o ndjindji. ² Líli na kalanu inde li Ebhe asuno e

† **5:31** 5:31 Tsia bhú Dje. 2:24.

di ne napa me ni améne ehe bhú e ngae inde: «Manga 'dyi mu ne 'hi mu mamanga,³ amba mu du ne kpála na djali, mu tsia bhúe la di ngengele píla doto.[†]»

⁴ Ngayi odyi ongisi, yi améne de me ongisi gba yi-e kolo ne kpéke 'ndjì-e de. Engú bini, yi ku uo ne nalili uo di ne naha líli inde ayie ka Ngámá-a pi uo.

Lele dasündu gba obalise ne omakúlasí o

⁵ Ngayi obalise, yi manga omakúlasí yi píla doto mamanga ne nazí uo ndjíndji, ne koli bua bini mugito me yi ngamanga Kilisito . ⁶ Yi améne bha bini mo-o li nedhingga inde u ngatsia 'kpí li yi lie de. Padhá de, anga yi mene mo-o, i mána mugito me yi amene ngubula me okpála ziba yi. Engú bini, yi mene engú inde li Ebhe akunda e ne koli bua bini, maka obalise gba Kilisito. ⁷ Yi mene kulu pi omakúlasí yi ne bádha bua mugito me, yi ngamemene pi Ngámá ngae makpe, anga yi mene pi kpála de. ⁸ Padhá de, anga yi ambila me, abana i du bali, i du di-e bali de-e, kpála ne kpála asia makalá sakpa Ngámá li lele bádha kulu li kpála ango-o amene e-o.

⁹ Ngayi, omakúlasí okpála, yi mene bhadi moko pi obalise gba yi-o. Yi abú tsulu bhú uo ne napa de me yi ató mbolo li uo de. Yi mbila ndjíndji me ngayi ne obalise gba yi-e, a ka yi ne koli Ngámá bini abhúlá. Ani gbogbo bhúsú okpála de.

† **6:3** 6:2-3 Tsia bhú Eki. 20:12; di ne bhú Det. 5:16.

Yi bi tia 'gu inde li Ebhe ngaha e pi yi-o

10 Ngú nabu tata-a, yi gili angu gba yi-e bhú nakpetse liyi ne Ngámá, bhú angu na ngbéngbé gba ani-o. **11** Yi bi ndu tia 'gu hana inde li Ebhe ngaha e pi yi, ngubula me yi lu kpekpeke kala siti mabhundja gba djabulú-o. **12** Padhá de, anga ní ngagú gbele ne okpála-kutí ade. Engú bini, ní ngagú 'gu ne osisiti bua inde ne angu abhúlá. Ní ngagú 'gu ne ongámási na angu di ne obhende na sukpe. **13** Kaka-a, yi ha ndu tia 'gu gba Ebhe-e hana, amba li nedhinga na sisiti akólo lie, yi de lu kala bhúlu yala gba yi-e kpekpeke. La di-e, pita nagú gbele akolo ali soso-o, yi tsia lú li bili yi nde li e kpekpeke.

14 Ka 'ngú ango-o, yi lu kpekpeke. Yi gbite kúkúlú 'ngú ludu yi maka mukabha. Yi holo ngibili 'ngú maka bongo na kó 'nu inde ngalila mbulu kpála. **15** Yi dyi gémú na nakpokpo Bádha Ngali na guo 'ngú maka maleké. **16** Yi holo nabhuka ndu 'kpí hana maka kopí. Bhabhomú-o ahá angu pi yi ngú nabulu ndu edji hana inde ne djua gba Satana . **17** Yi dyi mukobho maka ndata na kalase. Yi holo Eli gba Ebhe-e maka mbotia inde li Bu Bhabua ngaha e-o.[†] **18** Yi mene ndu 'ngú bhomú-o hana bhú mayo. A na paká, yi yo Ebhe bhú ndu 'ngú hana maka li Bu Bhabua atéteke yi lie-o. Kaka-a, yi alá-a de, yi yo Ebhe ndu 'kpí hana pi ndu okpála hana na bububu-o.

19 Yi yo di Ebhe muma, amba Ebhe ha eli na

[†] **6:17** 6:14-17 Tsia bhú Isa. 59:17, 11:5, 27:1, 34:5, 49:2; ne bhú Oz. 6:5; ne bhú Ebe. 4:12; di ne bhú Apok. 1:16, 19:15.

ngbingbili mʉma nedhinga ma akʉnда nagama 'ngú lie-o. La di-e, a ngübula me ma adú ne tsʉlʉ de nedhinga ma ngambamba ta ongú inde awo lie bhʉ BÁdha Ngali-e lie-o. ²⁰ Ma ne bhʉlʉ titima na BÁdha Ngali inde ma nde bhʉ tikpu ngübula e-o. Kaka-a, yi yo Ebhe ngú ma, amba ma akpókpo Ngali ango-o ne tsʉlʉ de, ma kpokpo mangbo maka a ayo lie-o.

Eli na soso

²¹ Tisiko, ndai ní na mʉkʉnda, kpála inde di ngamene kulu gba Ngámá ndjindji akpókpo ndʉ 'ngú hana inde atsia ma pi yi. Ani akpókpo pi yi ngübula me yi mbila lele maka ma nde lie di ne ehe inde ma ngamene e-o. ²² Ma atima ani ngübula nakpokpo pi yi lele maka ya nde lie, amba ani to di masi bhʉ yi.

²³ A ayo me Ebhe 'Dyi ní, di ne Ngámá Yesu Kilisito ha guo 'ngú, ne mʉkʉnda di ne nabhuka pi ndʉ ondaise ní hana. ²⁴ A ayo me bádha bhʉ 'bu gba Ebhe dʉ ne ndʉ okpála hana inde ne mʉkʉnda na dʉdʉma pi Ngámá gba ní Yesu Kilisito ko.

Gandja na Mbia

Mayogo: Gandja na Mbia (New Testament)

copyright © 2020 Wycliffe Bible Translators, Inc.

Language: (Mayogo)

Contributor: Wycliffe Bible Translators, Inc.

All rights reserved.

2020-11-18

PDF generated using Haiola and XeLaTeX on 21 Feb 2024 from source
files dated 29 Jan 2022

aeebbe5f-2bfd-5f52-83b6-35e9c9ce956b